

輝縣志卷十一

輝縣知縣黔筑周際華石藩纂修

人物志

鄉賢 續紀附

周

高柴字子羔孔子弟子長不五尺少孔子三十歲足不履影起蟄不殺方長不折執親之喪泣血三年未嘗見齒為成宰有兄死而不為衰者聞子羔將為成宰遂為衰成人曰蠶則績而蟹有匡范則冠而蟬有綏兄則死而子羔為之衰為衛士師則人之足俄而有蒯瞶之亂子羔去之至郭門則者守門焉謂子羔曰彼有缺子羔

碑縣志

卷十一

人物 鄉賢

一

曰君子不踰又曰彼有竇子羔曰君子不隧又曰於此有室子羔乃入焉謂則者曰吾不能虧主之法而則子之足今吾在難正子報怨之時而逃我者三何哉則者曰斷足固我之罪昔君治臣時愀然不悅豈私臣哉天生君子其道固然此臣之所以脫君也孔子聞之曰善哉為吏其用法一也思仁恕則樹德加嚴暴則樹怨公以行之其柴乎夫子又嘗稱之曰柴也愚唐贈其伯宋封其城侯

晉

孫登字公和無家屬於蘓門山為上窟居之號蘓門先生夏則編草為裳冬則披髮自覆善長嘯好讀易撫

一絃琴性無恙怒人或投諸水中欲觀其怒登既出便大笑人見之與語不應時時遊人間每所止家輒給其衣服食飲一無所受嘗往宜陽山有作炭人見之知非常人與語登不應魏司馬昭聞之使阮籍往觀見其擁膝巖側籍登嶺就之箕踞相對問之不應與商畧終古弗答籍因對之長嘯良久乃笑曰可更作籍復嘯意盡退還半嶺許聞上啞然有聲如數部鼓吹林谷傳響顧看乃登嘯也嵇康從之遊三年問其所圖終不答康每嘆息將別謂曰先生竟無言乎登乃曰子識火乎火生而有光而不用其光果在於用光乎人生而有才而不用其才果在於用才乎故用光在乎得薪所以保其耀今之世矣康不能用卒如其言

栗

邵 古字天叟世爲燕人祖台進歷事太祖以軍校尉歸老范陽已而徙中山遷衡漳父德新讀書爲儒者早卒古十一歲而孤事母孝長益好學必求義理之盡天聖中嘗登蘓門山謂其子雍曰若聞孫登之爲人乎吾所尚也遂隱居於山下卒年七十九性簡厚喜文字所著有正聲正字正音等三十篇子雍次子睦舉進士

邵 雍字堯夫幼從父古徙共城隱蘓門山下結廬百泉之上時居母憂布裘蔬食躬爨以養父堅志苦學共

令李挺之叩門來訪勞苦之與語物理性命之學雍再拜願受業於是先示以陸淳春秋後授河圖洛書伏羲八卦六十四卦圖象雍益覃思刻勵冬不爐夏不扇夜不就枕席者數年安貧樂道未嘗攢眉名所居爲安樂窩少自雄其才慷慨有大志旣學力慕高遠謂先王之事爲必可致及其學益久德益進玩心高明觀天地之運化陰陽之消長以達乎萬物之變然後頽然其順浩然其歸一日嘆曰昔人尙友千古而吾未嘗及四方遽可已乎於是走吳適楚過齊魯客梁晉久之而歸曰道在是矣蓋始有定居之意晚遷於洛舉遺逸試將作主簿又以爲潁州團練推官皆辭疾不赴先生於書無所

輝縣志

卷十一

人物 鄉賢

三

不讀著皇極經世書六十卷晚尤喜爲詩平易而造於理有擊壤集二十卷自爲之序熙寧十年卒於洛贈秘書省著作郎謚康節咸淳元年從祀

孔廟明崇禎間設祭田奉祀生典其祀

林 舍字虛白早舉進士爲大理評事年三十掛冠與蘓軾同年軾有書云先生熙朝及第壯歲休官以節志推之可以追步淵明矣

杜 貴仕至太尉政和三年賊犯縣境貴率二子出御力戰而死民賴以全孫大忠以功授侍衛親軍都虞使仕至鄜州觀察使

元

姚樞字公茂號雪齋直隸柳城人遷居洛陽公自幼力學讀書夜分不輟志期甚高宋內翰九嘉少登科甲有重名折行位與之遊嘗謂人曰公茂負王佐之畧其爲前輩見推如此初與楊中書惟中北觀太宗甚重之賜錦衣金符爲燕京行臺郎中時牙魯瓦赤爲臺長惟事貨賂遂棄官攜家來輝墾荒雲門蕪田數百畝修二水輪誅茅爲堂城中作家廟奉祀四世堂龕 宣聖容旁垂周兩程張邵司馬六君子像讀書其間衣冠莊肅以道學自任暇時則鳴琴百泉之上汲汲以化民成俗爲心自板小學語孟諸書傳之四方時許文正公衡聞公得伊洛性理之學盡室來輝相依以居世祖在潛邸

輝縣志

卷十一

人物 鄉賢

四

以禮聘至敷陳治道數千言世祖奇其才使授太子經以爲太子太師不拜改大司農拜中書左丞昭文館大學士十二年拜翰林學士承旨卒於官壽七十八贈榮祿大夫少師謚文獻至大三年追贈嘉猷程世舊學功臣太師開府儀同三司魯國公謚仍舊元貞三年五月遷葬於輝

姚燧字端甫號牧菴樞之從子生三歲而孤育於伯父樞謂燧蒙暗教督甚急燧不能堪楊奐馳書止之曰燧令器也長自有成何以急爲且許黜以女時許衡與樞講道蘓門燧年十二卽從之遊十八始受學於長安時未嘗爲文視流輩所作心弗是也二十四始讀韓愈

之文試學爲之人謂有作者風就正於衡衡亦賞其辭
且戒之曰弓矢爲物以待盜也使盜得之亦將待人文
章固發聞士子之利器然先有能一世之名將何以應
入之見役者哉非其人而與之與非其人而拒之均罪
也非周身斯世之道也至元七年衡以國子祭酒教貴
胄奏召舊弟子十二人燧自河內驛至館下燧年二十
八爲秦王府文學提舉陝西四川中興等路學校遷翰
林直學士奉詔修世祖實錄拜江西行省參知政事仁
宗居藩邸開宮師府燧年已七十遣正字呂洙如漢徵
四皓故事起燧爲太子賓客未幾除承旨學士尋拜太
子少傅武宗面諭燧燧拜辭曰昔臣先伯父樞嘗除是

耀縣志

卷十一

人物 鄉賢

五

官尙不敢拜臣何敢受授翰林學士承旨知制誥兼修
國史得告南歸後以病不赴召卒於家年七十六謚曰
文燧先在蘓門山時讀通鑑綱目常病國統散於逐年
不能一覽而得其離合之槩至告病江東著國統離合表
若干卷年經而國緯之如史記諸表將附朱熹凡例之
後其學有得於許衡器識豪邁由窮理致知反躬實踐
爲世名儒爲文閎肆該洽豪而不宕剛而不厲春容盛
大有西漢風宋末凋弊之習爲之一變當時孝子順孫
欲發揮其先德必得燧文始可傳信其不得者每爲愧
恥有牧菴文集若干卷行世

姚

燁字顯甫號誠齋樞之子年十六元世祖官以禮

部郎中蓋異數也長忠厚清慎克紹先烈歷官中奉大夫河南北廉使陝西行中書省參知政事卒贈推忠秉德佐治功臣光祿大夫河南江北等處行中書省平章政事柱國追封魯國公諡文忠

張志明字士瞻獲嘉人徙居輝州遂家焉少穎悟過人讀書日記千言至元十九年由侍儀舍人辟御史臺掾又辟尚書省掾嘗抱牘誦於帝前自昏達曙音吐洪暢帝奇之明日擢大都路治中以踰越辭改湖廣行省都事元貞元年召爲中書省檢校六曹無滯遷戶部主事大德初擢左司都事轉吏部郎中改集賢司直除江浙行中書省左司郎中民饑首贊發廩賑濟皇慶元年遷

輝縣志

卷十一 人物 鄉賢

六

兩浙鹽運使歲課贏其窳請上增數思明止之曰無以一已病後人召爲戶部尚書延祐元年進參議中書省事仁宗卽位勅賜浮屠官五品思明持不可帝召責之思明曰選法天下公器故寧違旨不敢墮祖宗成憲使天下窺陛下淺深帝稍從之後爲工部尚書授宣政院副使除西京宣慰使威惠並著反側以安又奏和林運糧不便事十一條帝勞以上尊端視拜中書參知政事英宗造壽安山寺殺諫者三人而囚其二人思明救之獄乃得釋後廢而家居文宗初起爲江浙行中書省左丞陝右饑中書撥江浙鹽課十萬錠賑之吏以爲難思明日鮒在涸轍可復緩耶二年復召爲中書左丞陳稟

朝任賢使能治民定國之道因辭衰老告歸重紀至元三年卒年七十七平生不治產不畜財收書至三萬七千餘卷尤明於律與謝仲和曹鼎新同稱三絕贈推忠翊治守義忠臣中書左丞上護國清河郡公諡貞敏

趙澄德性純古動遵禮度仕終衛州教授

明

王衡字平之國子生先名道廷試引見上爲之更名衡洪武初授翰林院侍講學士

李徵字用賢歲貢生天順六年任光祿寺監事畧曰歷年旣久克慎且勤

李文泰字時雍成化丁酉舉人任長清縣教諭造就人

輝縣志

卷十一 人物 鄉賢

七

才卓有聲譽宏治六年陞翰林院待詔十六年陞榮府紀善父母有疾冠衣不解湯藥親嘗者三月鄉人咸以孝稱

陳玉字德輝宏治庚戌進士任南直靈璧縣知縣治行稱最選授浙江道監察御史累有建白爲時所重出按福建風裁赫然值延寇嘯聚設機蕩平捷聞孝宗嘉其功賜衣一襲正德初以事忤逆瑾謫湖廣布政司照磨旋擢令會稽又八月陞四川按察司僉事以母老不赴旣歸杜門謝客非公事未嘗至公府人高其行後以撫按保奏欲擢用之辭不起卒於家

魏安字居仁國子生宏治十年授府軍右衛經歷贊

佐軍政多所補益畧曰蒞事維勤論功斯最

李可登字思善文泰子宏治甲子舉人

詳忠烈

冀國字定甫嘉靖丁酉舉人授直隸唐山縣知縣築城垣修學社彌盜救荒邑中大治撫按累疏薦賢能卓異行取授刑部主事民立去思碑復公舉入祀名宦時楊忠愍公以忤嚴嵩在獄諸郎官畏嵩莫敢與語公適典獄獨維持調護忠愍因手書梅花長歌贈之一時諸名公題咏甚多彙而成帙繼改戶部歷員外郎郎中釐奸剔蠹多所建明陞貴州都勻府知府時土酋王世騏據險叛逆公單車之任躬率將吏設奇勦平督府上其功荷蒙欽資銀幣嘉靖丙寅致仕馳驛旋里呈請霍菽

輝縣志

卷十一

人物 鄉賢

八

二公將輝縣瀕河沮洳盡改水田刊有江南肥田之法立石教民享年八十有二無疾而逝

冀守謙字汝光國之子幼承庭訓矢志攻書效法先賢立功過格凡婚姻死葬罔不周恤中萬歷丙子鄉試戊戌成進士初任益都縣知縣會稅採初興權璫橫逆前官皆以忤璫被逮公之任正直不阿每以理法伏璫遂移駐他邑一方靜謐政聲稱最行取戶部主事奉差淮安糧儲其衙署卽梅軒公奉差所建公幼年隨任讀書之處人稱橋梓繼美復差蘓松監兌聲騰中外陞真定府知府潔已愛民適當入覲抱病赴京卒於中途輦轎歸里惟有圖書數笈

曹蘊清字秋林辛未進士授翰林院編修

吉永祚字紹鎮

詳忠烈

國朝

孫奇逢字啟泰號鍾元直隸容城人少儻好奇節而內行篤修負經世之畧常欲赫然著功烈而不可強以仕年十七舉萬曆二十八年順天鄉試先是高攀龍顧憲成講學東林海內士大夫立名義者多附焉及天啟初逆閹魏忠賢得政叨穢者爭出其門而目東林諸君子爲黨由是楊漣左光斗魏大中周順昌次第死獄禍及親黨而奇逢獨與定興鹿正新城張果中領身爲之諸公卒賴以歸骨世所傳范陽三烈士也方是時孫

輝縣志

卷十一

人物 鄉賢

九

承宗以樞輔經畧薊遼奇逢之友歸安茅元儀及鹿正之子善繼皆在幕府奇逢密上書樞輔樞輔以軍事疏請入見忠賢大懼繞御牀而泣以嚴旨遏樞輔於途而世以此益高奇逢之義臺垣及巡撫交薦屢徵不起樞輔欲疏請以職方起贊軍事使元儀先之奇逢亦不應也其後畿內盜賊數駭容城危困乃攜家人易州五公山門生親故從而相保者數百家奇逢爲教條部署守禦而絃歌不輟

國朝定鼎以國子祭酒徵有司敦趣卒固辭移居新安旣而渡河止蘓門百泉水部郎馬光裕奉以夏峯田廬遂率子弟躬耕四方來學願留者亦授田使耕所居遂成

聚奇逢始與鹿善繼講學以象山湯明爲宗及晚年乃更和通朱子之說其治身務自刻砥執親之喪率兄弟廬墓側凡六年人無賢愚苟問學必開以性之所近使自力於庸行其與人無町畦雖武夫悍卒工商隸圉野夫牧豎必以誠意接之用此名在天下而人無忌嫉者方楊左在難衆皆爲奇逢危而忠賢左右皆近畿人夙重奇逢質行無不陰爲之地者鼎革後諸公必欲強起奇逢部郎平涼胡廷佐曰人各有志彼自樂處隱就閒何故必令與吾儕一轍乎居夏峯二十有五年卒年九十有二河南北學者歲時奉祀百泉書院而容城與劉因楊繼盛同祠保定與孫文正承宗鹿忠節善繼並祀

輝縣志

卷十一

人物 鄉賢

十

學宮天下無知與不知皆稱曰夏峯先生年譜本傳所著有四書近指讀易大旨尚書近指理學宗傳夏峯集家禮酌歲寒居問答孝友堂家規畿輔人物考中州人物考諸書葬於夏峯東原康熙四十五年工部尚書徐潮於百泉創建專祠道光六年巡撫程祖洛檄輝縣知縣周際華重修於後室增祀周旋左魏周三君子難諸人道光八年從祀

孔廟

孫望雅字君孚夏峯先生第三子週歲喪母十歲就外傳讀書鄙章句弱冠從鹿忠節公遊讀羅念菴先生集恍然曰學在是矣忠節大喜更授以傳習錄與家兄君

建互証默識充然有得年三十卽棄青衿以尊聞行知
爲務夏峯先生歿一肩家學喜怒不形涵養純密終身
善病而善自保艾年七十七鬚髮如漆無病而卒所著
有得聞人集

孫博雅字君僑夏峯先生第四子聰明過人潛心性命
之學夏峯先生所著皆手自校錄潛菴先生稱其字體
古健無一筆苟簡康熙初奉

詔舉山林隱逸力辭不就弟遭无妄奔走救援弟幸得釋而先
生以勞瘁致疾客死都門同人高其義私諡文孝處士
著有約齋詩文集湯潛菴先生爲之傳

孫 淦字靜紫號擔峯君孚先生長子年十一卽能彈
琴賦詩讀書別有領會中歲成進士官中翰一日心動
遄歸父方康健甫入門十八日父無病逝以父棄養絕
意仕進取祖父遺書抄錄玩索刊以行世居心光明俊
偉行事務持大體善成就後學卒年六十一所著四書
醒義多前人所未發擔峯詩四卷遊記四卷文集六卷

輝縣志

卷十一

人物 鄉賢

十一

紀宏謨字伯禹遼東開原衛人寄籍於輝以父國相殉
節廕授光祿寺署丞母歿廬墓三年服闋補順天府經
歷調垣曲縣知縣垣居萬山中有李日貴等竊據所在
剽剝宏謨操練鄉勇檢獲賊首四境悉平遷大名府同
知陞保定府知府寬猛適宜旗民莫不畏服

續紀附

明

郭野字僕菴歲貢生潛心正學心服尤西川先生之
爲人晚歲目盲搆得所著命二子讀而聽之好學之心
老而彌篤

秦衛周字維翰號蘭亭邑貢生博極羣書善古今文辭
兼工書畫不特河北三郡甲乙科之選多出其門卽遠
方亦多負笈者然賦性高曠浩落有古狂士風不以進
取爲念其畫至今流傳人以爲片紙千金

張信字中孚

詳忠烈

國朝

郭迓熙字駸臣別號其陽居士事親以孝聞從孫夏峯

輝縣志

卷十一

人物

鄉賢續紀

十三

先生遊手抄九經成帙夏峯先生爲之序雖膺歲薦第
以正心立品爲要別業有星聚堂湯潛菴先生爲之記
李滋撰其陽居士傳

楊生輝字映斗順治戊子恩貢言笑不苟讀書外一無
所好官山海關通判謹守理法雖小必慎上官咸敬禮
之以爲有古人風未幾掛冠歸兩袖清風一經教子山
村僻處而衆望歸之

孫用正原名用楨號緘齋中翰詮子八歲能屬文十二
歲能詩古文辭十四入郡庠旋膺選拔領鄉薦遭外艱
寢處柩旁從憂戚中認取本來面目以承家學不飲酒
茹葷者三年母楊氏年八十失明用正念父痛母先意

承志母見背後屏絕葷酒率兩孫居墓側者三年前蒙
知縣陳勳以古禮克敦表其門後蒙知縣張鏐以七年
廬墓表其門又以孝聞於

朝乾隆七年建坊

旌表初任禹州學正士風丕變再鐸許昌創書院興社學去之
日人不能忘建講堂祀之且歲時講習其中大中丞楊
雅兩公聘主大梁書院講習教士惟尙躬行居恒以維
持風化爲本樂道人善如不及族眾貧乏者周之貧甚
者給以田廬捐田百畝以供家廟祭祀其尤著者以夏
峯先生著作宏富恐致散佚竭力付梓名曰夏峯先生
集又請於撫憲建夏峯先生專祠於百泉因撫憲陞遷

輝縣志

卷十一

人物 鄉賢續紀

三

期促冒雪衝風不憚艱險倡辦地方利弊盡心竭力裨
益宏多乾隆八年舉鄉飲大賓所著有緘齋集十六卷
增刪輝志稿八卷卒年八十九葬於城北方山之陽
郭培貽字燕若歲貢迺熙子選貢東銘父孝友性成文
品兼優新輝後進多出其門人有貧乏者不吝資助家
業中落處之淡如也嘗誦溫公事無不可對人言大書
壁間以自勵郭氏丁男最盛新輝兩縣俱有戶口差徭
相沿已久故居輝而成新鄉 恩貢其家至今猶習以
爲常

忠烈

唐

蒿里相公名字失傳舊志稱公登第之初直諫不從觸
潛而殞唐延和間封直烈侯

宋

王之翰字周輔累官至殿前承制尚智謀不拘小節時
生羌黨令征為患之翰與龍圖大學士任顥有恩地之
舊毅然馳單騎詣賊巢諭以順逆醜類內附其他功績
甚多晚愛共山林泉之勝因卜居焉任文煥採訪

杜貴詳鄉賢

明

李可登字思善宏治甲子舉人歷任兵部司務嘉靖三
年議大禮忤旨廷杖死隆慶初詔褒其忠贈光祿寺少

輝縣志

卷十一

人物 忠烈

十四

卿祀忠義祠

吉永祚字紹鎮增生援例准貢崇禎五年任陝西鳳縣
主簿既致仕流寇突至印官逃走公倡義督士民守城
城陷公北面再拜曰臣為鳳縣官不敢以致仕逃局外
當與城同存亡遂罵賊死長子士樞三子士模同死詔
贈漢中衛經歷勅建忠節坊

張信字中孚號西銘歲貢生孝事繼母友愛幼弟鄰
里貧乏不能婚葬者量力助之六次中副榜終以貢任
襄城訓導修理學宮立攻玉社課文多所成就賢聲四
達撫按交薦遊關臬張孤城失守拜辭君師北面自縊
氣未絕而賊至解其索欲生之公大罵不絕口賊截其

苦卽以血書剪寇字誓為厲鬼以除賊賊益恨遂遇害
妻馮氏媳崔氏亦殉難忠孝萃於一門載襄城志甚詳
其子庠生含樸冒刃覓屍輿櫬歸葬

牛農夫名德富關村里民莊烈帝崩凶聞至牛適執鋤
播耰呼號痛楚赴百泉義字聞投水死

國朝

三 顏東北流人嘉慶十八年滑匪入其村肆行焚掠

顏率某某等七人捍拒仆賊數人頃賊至甚眾力不能

敵顏與七人皆以叫罵不屈被害張藜照採訪

陳 銘孫村人滑匪過其村父孔思年八十銘負之逃

適與賊遇見銘少壯脅使相從銘哭白父病不能離左

輝縣志

卷十一

人物 忠烈

五

右賊曰爾所繫念者父耳今殺爾父爾自安心從我矣

卽欲刃其父銘給之曰但舍我父我卽相從賊信之銘

負其父於密室中諭其子奠邦曰居此守汝祖勿動予

行卽歸耳銘從賊至高莊賊愛其才守之嚴不得逸又

從賊至司寨乘間逃歸復為賊得加刃於項要使自誓

不再逸銘罵曰爾鼠輩行且就戮尚不自悟而脅我耶

吾既全吾父吾又有子安用吾身為罵賊不屈死崔華採訪

劉君仁西沙崗村農滑匪之亂與本村數人往山中逃

避為賊所獲以刃逼從數人戰慄君仁獨厲聲曰汝等

算甚麼東西我至死不從賊遂遇害任文煥採訪

王 全寨宏村農耿介朴直滑匪入川全謂其家人曰

汝等且去吾守門戶賊來當與理論家人強之使逃乃曰汝等先行吾登屋望其來去之未晚家人不得已皆去頃賊來全至村外為賊所執挾降不從大罵不屈遂

被殺傅培梧探訪

孝友

明

岳維祺洪武二十四年父宗岱病維祺侍左右奉湯藥每夜祈天願損已年以益父壽父卒哀毀幾絕既葬廬墓三年復築臺立祠事死如生

李文泰詳鄉賢

國朝

輝縣志

卷十一

人物

忠烈

孝友

六

孫奏雅字君協徵君次子具肆應才受業於鹿忠節有聲庠序旋以徵君衰年多病留心醫藥取古人傳書力精探討凡陰陽氣運剛柔秉賦及切脈察理藥性君臣無不觸類旁通遂精其術日錄古人諸方參酌已意得三十卷名曰醫學宗傳六十餘猶廬墓三年每以孝弟力田為孫曾誠勉年八十八歲卒

孫博雅詳鄉賢

甯士均號季和世籍燕邸父任蕭山令卒於官遂家於輝兄弟三人士均最幼以母善病乃從孫奏雅受岐黃術若夙慧然人以病至者每服即愈以族伯寓回隆鎮往依焉盡隱市中不避寒暑風雨且愈不責謝負不責

償並不登籍記有以藥資至者不知爲誰氏亦不問幾何也性至孝以母老還輝居母喪幾滅性長兄年逾八旬士均問寢視膳人服其友恭持身端謹與物謙和未嘗疾言厲色年八十一歲卒

王維乾字泗濱邑增生幼失怙事母曲盡甘旨弟甫三歲家業漸凋維乾厚弱弟而薄以自予教諸子以義方耿之翰字爾良保汝先生子父患痿痺卧牀褥不能轉側者六年之翰日夜侍牀下飲食便溺不假他人手母病事奉如父學使者以孝聞於

朝奉

旌表雍正七年崇祀忠義孝弟祠

輝縣志

卷十一 人物 孝友

孫用正 詳鄉賢續紀

孫 烜週歲喪父母張氏得異病中消善食烜年八歲

卽能奉事弗缺病愈復發日夜數十餐烜炊爨榻側前後凡八載乾隆五年 撫憲雅 題請准給九品頂帶

仍給扁褒獎太倉沈公以其事載中州彰善錄

孫在城字亦樵七齡失怙哀倍成人事孀母克承志意

祖歿代父廬墓三年 學憲表其門

王仰曾字又高乾隆丁酉拔貢歷任蘭陽泌陽武安教

諭事繼母如母其母愛之過於所生品學兼優兼工書

法 史緯經採訪

王奇秀字晉儒嘉慶庚申舉人新鄭縣訓導居心如密

王榮王耀係堂兄弟相親相敬至老不衰上自祖父下及子孫數十口同居至五世

以上張藜照採訪

王守義字鴻儒職員靜雅寬厚友愛出於天性弟子姪七人甘苦維均事每相先言恆相讓間有過失督責不稍貸且訓之曰讀者以明理爲上勿急功名耕者以朴實爲主勿蹈尖薄吃齷兩字是吾一生得力處當切記之至其不矜已長不談人短交友必本於誠遇有忿爭多爲解息鄉里稱長厚焉至今四世同爨四十餘口猶相忍相讓無閒言

輝縣志

卷十一

人物 孝友

六

本生父歿幼弟亦殤惟遺繼母與一妹夙痛父早亡力勉於學雖樵採未嘗廢讀二十六歲入邑庠繼父母歿竭情盡慎營葬終制另爲擇嗣歸宗以養繼母耕惟硯田供母必豐後母得瘵疾輾轉牀蓐衣不解帶者數月歿後哀毀備至宴客以素盡禮而不舉樂旣葬復廬墓三年夙素廉介不事干謁於書無所不讀後學多所成就嘗訓弟子曰學所以明理復性也非恐懼修省無以全吾天非篤行敦倫無以踐吾實彼以文辭而已者陋矣

以上睢剛採訪

姚思孟幼孤貧隨兄思孔生殖度日同心協力毫無間言後兄癱患卧牀不能轉側一飲一食孟親爲捧哺

是者十二年無倦意兄有三子長者未及十歲

撫育慧者使讀書樸者使食力次第為之婚娶和致中採訪

朱文祥兄弟三人其仲弟文元幼有廢疾不能步履

與季弟文華友愛文元始終無間言有司表其門郭烈採訪

儒林

元

孫之傑為人疎曠不事生產讀書好古耽玩騷雅居貧

以吟咏自娛徜徉林壑終其身

明

郭野詳鄉賢續紀

馬延字伯齡嘉靖十三年選貢山西嵐縣陝西麟遊

輝縣志

卷十一 人物 儒林

九

縣知縣性尚儉朴壽登耄年猶孜孜好學不倦

王一龍字在田選貢直隸饒陽縣廣平縣知縣陞陝西

鞏昌府知府歸里後閉戶讀書不事干謁人高其行

郭天祿字乙齋選貢四川夾江縣知縣署廣東廣州府

海防通判以獲寇功授欽州知州蠲除漁稅又請豁沿

海活糧百餘頃以不奉採珠之令罷官家居杜門讀易

劉念臺先生被召赴都聞公名迂道過訪講論旬日念

臺先生自燕歸復過之而公已歿乃求其遺書而去所

著有周易圖解易學引端藜光閣文集藏於家崔華採訪

秦衛周詳鄉賢續紀

國朝

武師孟字希賢拔貢生性極質少事孀母拾薪以供養貧不能謂進士李柱奇其才使從已請遂以文名生平教授生徒各因其才分之所能功俸之所及而善導之多所成就所作制藝不自收拾有得其文者梓以行世而師孟不知也後任冀州州判以病卒於官田迺理採訪

郭培緒字績若副貢寶豐縣教諭居鄉端謹歷官勤慎張恭字允謙副貢扶溝縣教諭舉報節孝矢公矢慎葬親告歸闔邑製錦揚休送織一柄顏曰鼓舞風化

周輝字燬光戊子舉人英敏夙成邃於學養司鐸固始多所成就陞鄆州州同推誠以治風爲丕變俗多葬崖穴中歲久暴露公悉飭役掩之歸里後鍵戶課子屏

輝縣志

卷十一

人物 儒林

三

絕外事祝雲棟稱其色溫而氣和相對既久躁釋於平

曾力行爲之傳宋玉珩採訪

任恭字端容本農家子十五歲過鄉塾聞書聲而慕

之因請就學發憤攻苦十餘年補弟子員性純謹篤行

誼後學多所成就子文煥文燦皆爲諸生傅培栢採訪

王鐫字彝鼎貢生爲人剛正不趨豪富不侮貧弱設

教家塾循循善誘一時遊庠食餼者多出其門蔣向榮採訪

傅培椿字八千性孝友淡泊恬靜年十九補弟子員攻

書好詩尋幽探勝無不紀以篇章著述頗富滑稽之詞

盡燬於兵任文煥採訪

義行

唐

劉綱號蕪門山人開元天寶時尙楚鞠之戲永泰中綱上刑部尙書薛公書云打毬一則損人二則損馬爲樂之方甚眾何必乘茲至危以邀晷刻之權耶薛公悅其言圖之座右命掌記陸長源爲贊美之任文煥採訪

明

張志成化間助賑朝廷賜以誥勅獎爲義民

國朝

冀應熊字涓公守謙之子崇禎壬午舉人科場移建百泉書院時

宣聖像露處公倡義立廟於山巔選湖廣漢川縣知縣有去

輝縣志

卷十一

人物 義行

三

思碑陞鄭襄荆興屯同知調嘉興府海防同知海寇入犯不費公帑修築三城湖寇錢應魁劫截貢物檄公督捕計擒梟示刊有平寇輯畧安瀾吟歷陞四川成都府知府蜀省久被焚戮公築城浚池招集開墾竭蹶十載百廢俱興所屬麥秀七歧具疏進呈蒙

賜幣帛刊有泰徵錄紀異歸里後閉戶讀書呈免黃河夫役歲

省里費數千金裁總練社長以除民害日集諸名公題詠椒山先生所書梅花卷彙刊成籍年當耄耄索書者猶踵門不絕云

王紫綬字金章嘗從老儒劉文奇學崇禎末劉家沒於水王爲置田舍於蕪門年七十餘病卒爲之營葬情禮

兼盡其哭師詩哀痛過人

劉心道號宏陽濬縣王定國夫婦生離劉贖而合之拾邑人段京銀二兩還之順治十四年武陟縣生苗之英遺金五十兩於呂公堂積薪中見不肯拾苗覓金得之喜出意外願分半與之劉弗受事聞於官給扁獎之孟發祥字濬生自奉儉約好義輕財聞有不謀朝夕者陰使人致粟於其門冬市棉衣施赤體者歲以爲常康熙三十一年大饑出穀三千石賑荒全活者不可勝計四十年又饑力不能賑乃白邑令以已穀減價平糶復以所得價自遠方購買而賤市之人至今頌德著省園集行世兼工書畫其畫蘭筆法絕妙得之者以爲寶

輝縣志

卷十一 人物 義行

三

馬應龍少孤躬耕以養其母康熙四十六年十月間拾張姓遺銀十餘兩絲毫不昧 撫憲載入彰善坊邑令

表其門

劉百泉探訪

高 曙年六十妻路氏年五十三無嗣買王氏女爲妾年十六未成婚曙見王涕泣詢知其許字李姓曙慨還其家使配其夫不取身價逾年路氏生子名行周夫婦以壽終行周生四子人以爲陰隲之報

李 新字建宇無子買南康人吳氏爲妾日夜悲泣問之則家有前子不能忘也新爲感動曰吾因無子望汝生子乃令汝有子而不見於心何忍誓生還汝後其子楊汝貞聞母在輝匍匐北來母子果得生聚時人高其

義爲詩歌以美之

徐希有字書年歲貢生鄉飲介賓自縣遷居百泉親老弟幼舌耕成家後設教趙固諸村百泉產業悉以與弟後學多所成就

郭應連字素潛貢生樸素寬厚有長者風人貧極不能自謀者輒周濟之別業有地十餘頃佃戶五十餘家荒歲負租概不責償乾隆五年邑令顧萼建坊通衢表其門曰淳風砥俗

羅鈞字平遠貧民閩振邦幼聘李全女爲室後全將女典與汲縣李姓爲婢無力取贖不能完配鈞捐資代贖又出金助婚蘭陽人趙希堯客死於輝鈞施以棺並

輝縣志

卷十一

人物 義行

三

給錢粟令其妻子歸里施地二畝爲義塚又給王復亨墓地不受價邑令屢製額獎之

謝加庫其兄早死遺一子名昌撫之如子及成人性殊暴醉與人毆庫子福以法言戒責昌怒持挺擊福腦裂仆地昌亡匿地牌拘執之庫泣曰吾兄止此子今若論抵吾兄絕嗣矣言畢愈痛縱之逃去福調養半年竟愈王林乾隆五年有淫姓者於會上遺銀七兩三錢王拾金還主 太守劉公表其門

王屋隸早孤依寡嫂事之如母及長家益貧隸抱叔無嗣家頗豐族人議以隸繼鳴之於官隸不願出嗣因擇別房爲後至與其嫂析炊盡以家資歸嫂

孫在洲字公潔弟在中以傷人遺戍父輝欲析家資爲
一鬻分於在中者以贖刑在洲以父在皆父業全我手
足破產何惜請全鬻之成其事是年登武魁

傅繼業字念爾候選布政司理問設局施藥子孫繼之
四世不衰侯兆川中素無車輛每有派支火牌等車無
法措辦川民苦之繼業請於邑侯得免其役

任文煥
採訪

睢 安字泰字事母能得歡心諸兄有乏給與不吝族
弟祥貧而無子夫婦依以終身族姪大忠少孤爲之授
室族姪大有遺四子二女使一子侍其母以居給以衣
食其三子二女皆依已嫁娶悉爲經營鄰里婚葬必相
貲助遇歲歉周急不責償性素嚴正有過者恒畏其知

輝縣志

卷十一

人物 義行

四

且有感化不復爲賊者

王步衢
採訪

趙 渠字漢若夫婦皆五旬餘無子以百金買胡姓女
爲妾方入寢室卽問女曾婚配否女言囁嚅渠嚴詰之
始以有夫告渠卽趨出遣人召其夫至引女去焚其券
並助以貲渠妻周氏逾歲生一子 學憲表其門

李柏
年採

訪

李文煥監生兄弟四人文煥居次季弟文煜緣事繫獄
父母欲爲贖罪先將產業均分文煥慨然曰難得者兄
弟但能救吾弟願以吾所應得者並行變賣弟旣脫家
道日落文煥終無怨言

秦 超吏員爲人嚴正事務了然排難解紛人皆敬服

無疾而逝弔者盈門

李 鑑幼繼於同姓不宗之李氏比成立本生處止有寡嫂迎養於家以已之次子為嗣朝夕敬禮至老不衰壽皆八十餘及至葬兩門子孫各送其塋人稱善焉

王育賢字養儒副貢通許縣教諭豁達大度仗義輕財精岐黃工詩兄弟和淡白首如常

劉永湜伯叔祖父有死而未葬者湜竭力籌畫與已祖同葬計十七棺人服其義以上張藜照採訪

張履中武生與從弟監生大椿居豐城皆勇而好義乾隆甲寅大水村人避水於其家者百餘口供食數月滑匪之變二生倡眾挑渠引水布置有方遠近賴以保全

輝縣志

卷十一

人物 義行

三五

者甚眾費多金無吝色周繼熊採訪

李 霖字膏蒼監生每於歲暮儲粟周給默計親族之困乏者酌其緩急以定多寡歷年不倦又施地為義塚

俾貧者咸得葬焉趙八元採訪

隱逸

晉

孫 登詳鄉賢

元

孫之傑詳儒林

明

彭之燦字了凡直隸蠡縣諸生甲申後棄家隱蘓門依

孫徵君以居紳士有餽粟者夷然不屑竟坐死嘯臺旁
徵君題其墓曰餓夫詳年墓

國朝

孫博雅

詳別賢

張果中字于度直隸新城白溝河人左忠毅公所選士
少孤教育諸弟成立以產讓之孫徵君廬墓時就而問
業後又學於鹿忠節左魏相繼被逮孫鹿二公倡義拯
救時璫燄熾甚莫敢與撻果中奮激爭先出入虎口故
烈士之名滿天下從孫徵君遷居蘓門卒葬夏峯北原
上谷魏一鰲題其墓曰白溝遺民

耿 極字保汝號誠齋直隸定興人兒時卽寡言笑儼

輝縣志

卷十一

人物 隱逸

三

如成人九歲喪父及長從徵君學於夏峯深有會於文
成良知之旨常往來陳杞間見者傾服如披春風後設
教河朔從者益眾雖萊傭牧豎無不以先生稱之其學
務期適用晚耽於易歸老夏峯所著有存誠集玉制管
窺周易淺義古本大學釋言古本中庸釋言卒配享百
泉孫徵君祠子之翰另有傳

方伎

國朝

李序禮字國華延津人載之季于順治乙酉拔貢辛卯
舉人精岐黃有人謬爲有疾就診之序禮慘曰疾不可
爲也夜半死矣其人拂然去俄而疾作至夜半果死又

有已死將斂者序禮適至其家視之曰無怖卽當生以藥灌之遂霍然起其他奇異甚多人擬之太倉公秦越人云於其卒也夏峯先生哭以詩府志

孫秦雅詳孝友

甯士均詳孝友

胡嵩字維嶽監生敦族睦鄰精於醫術有求必應雖

晨昏風雨未嘗辭勞而絕不受謝任文煥採訪

張澎廩生善書大字古傲蒼老醉後尤佳

黃增旒蔭生草書精妙

段士鉉工書法鐵筆更佳

李元良生員精於占卜尊信邵子手畫皇極經世圖說

輝縣志

卷十一 人物 方伎

毛

二本又精韻學衣冠朴質有古人風

劉永沛善丹青尤工人物纖微必至

方士諒醫學訓科脈理精微方術絕妙

毛都侯精於傷寒百不失一年近九旬濟活無窮

常子剛善痘疹術功多而不索謝傳其術者皆為名醫

壽享大年子孫祿盛以上張藜照採訪

郭宗林字子中庠生事伯父母一如所生及門成就者

甚多又善岐黃絕不言謝著有身世金丹集活幼心法

要訣其他書畫堪輿俱妙陳嘉謨採訪

流寓

高賢

魏

嵇 康字叔夜譙國人少負奇才寬簡有大量人以為
龍章鳳姿博學善屬文彈琴咏詩超然於塵埃之表婚
魏宗室拜中散大夫寓居山陽同遊者未嘗見其喜愠
之色與阮籍山濤向秀籍兄子咸王戎劉伶為竹林之
遊號稱七賢又嘗從孫登遊於蘓門康居貧以鍛自給
穎川鍾會造之康方箕踞而鍛會至不為禮後坐呂安
事會譖之遂見害臨刑自若援琴而鼓既而嘆曰袁孝
尼嘗從吾學廣陵散吾每固之不與於今絕矣所著諸
文論六七萬言行世

舊志

晉

輝縣志

卷十一

人物 流寓 寓賢

三

阮 籍字嗣宗尉氏人容貌瓌傑志氣宏放仕魏累官
散騎常侍籍本有經濟志屬天下多故士少有全者由
是不與世事酣飲為常嘗於蘓門山遇孫登又與嵇康
等為竹林之遊初武帝求婚於籍籍醉六十日不得言
而止鍾會數以時事問之因其可否而致之罪亦以酣
醉獲免籍雖不拘禮教然發言元遠口不臧否人物竟
以壽終著咏懷詩八十餘篇並達莊論等集行世

阮 咸字仲容籍兄子與籍齊名任達不拘歷仕散騎
侍郎時荀勗辟聲音世祖命依典制正雅樂自謂無不
爾而咸謂其不調勗心之因事出為始平太守後一田
父耕於野得周玉尺品試以較已所治鐘鼓金石絲竹

皆覺短一黍於是服咸神識

山 濤字巨源河內人少有器量介然不羣每隱身自晦與嵇康善後遇阮籍爲竹林之遊晉武帝時爲吏部尙書甄拔人物各爲題目時稱山公啟事進尙書僕射加侍中卒贈司徒諡曰康

向 秀字子期河內人清悟有遠識少爲山濤所知嘗注莊子內外數十篇發明奇趣讀者莫不超然心悟與嵇康善康歿作思舊賦又共呂安灌園於山陽仕至黃門侍郎散騎常侍

王 戎字濬沖瑯琊臨沂人幼而穎悟神采秀徹視日不眩少阮籍二十歲而籍與之交嘗經黃公酒壚下曰

輝縣志

卷十一

人物 流寓 寓賢

无

吾昔與嵇叔夜阮嗣宗暢飲於此竹林之遊亦與其末自嵇阮云亡吾便爲世所羈繼累遷侍中司徒戎爲人短小任率不修威儀善發談端當其要會朝賢嘗上巳禊浴或問王濟曰昨遊有何言談濟曰張華善史漢裴頡論前言往行袞袞可聽王戎談子方季札之間超然元著其爲識鑒者所賞如此

劉 伶字伯倫沛國人放情肆志常以細宇宙齊萬物爲心與阮籍嵇康相遇欣然神解攜手入林常乘鹿車攜一壺酒使人荷鍤隨之謂曰死便埋我其遺形骸如此著酒德頌爲時所稱仕晉爲建威將軍

宋

府志

周敦頤字茂叔號濂溪湖南道州人嘗遊蘓門與康節
先生闡先天剖太極作通書四十篇有易學易說行世
卒諡曰元

程 顥字伯淳號明道洛陽人嘗遊蘓門每見康節退
輒歎息以為內聖外王之學卒諡曰純

程 頤字正叔號伊川嘗遊蘓門問道者輻輳而至縣
西程村即其講學之處一日問堯夫疾曰從此永訣更
有見告乎堯夫舉兩手示之曰面前路徑須令寬路窄
則自無著身處况能使人行也卒諡曰正

王之翰

詳忠烈

元

輝縣志

卷十一

人物 高賢

三

耶律楚材字晉卿遼人父履尚書左丞通術數尤邃太
元私謂所親曰此子吾家千里駒也他日必成偉器且
當為異國用因取左氏語楚雖有材晉實用之以為名
字生三歲而孤稍長知學年十七為文有作者風身長
八尺美髯宏聲博極羣書旁通天文地理律歷算術及
釋老醫卜之說金末為左右司員外郎太祖克燕召見
處之左右正色立朝欲以身殉天下每陳國家利病生
民休戚辭氣懇切孜孜不已嘗曰興一利不若除一害
生一事不若減一事人以為名言時民多鬻鬻禁緇而
國法無赦合楚材議請肆宥且條便宜十八事頒天下
悉從之汴梁將下大將欲屠之楚材馳入曰得地養民

將焉用之太宗從之得百四十七萬人楚材又求得孔子五十一代孫元楷奏遺封衍聖公付以林廟地薦名儒梁陟等進講東宮率大臣子孫執經解義置編修所於黜經籍所於平陽由是文治興焉不置生產未嘗問其出入篤於好學不舍晝夜尤嗜易學嘗避地蘓門居於衡水之涯植梅數株建琴亭月榭吟咏其中有梅溪諸詩官至中書令贈太師諡文正

許 衡字平仲河內人幼有異質七歲入塾授章句問其師曰讀書欲何爲師曰取科第耳曰如斯而已乎師大奇之稍長嗜學如飢渴值世亂且貧無書嘗至日者家得尚書注疏皆散缺請寓宿手抄以歸避難徂徠山

輝縣志

卷十一 人物 寓賢

三

始得王輔嗣易說夜思書誦身體而力踐之後從姚樞得程朱易傳四書集注或問及小學書益大有得移家蘓門以便與樞講習及樞被徵衡獨處蘓門慨然以明道爲己任凡喪祭嫁娶必嚴於禮以爲倡從學者浸盛元世祖王泰中召爲京兆提學教化大行及卽位命爲國子祭酒又命議事申書省衡乃疏陳五事世祖嘉納之又令定期儀官制後拜集賢大學士兼國子祭酒其教諄煦懇至從學者尊師敬業日改月化雖童子亦知三綱五常爲生人之道又嘗領太史院事與郭守敬等定授時厯厯成以疾乞還卒於家虞集謂南北未一許衡先得朱子之書伏讀而深信之持其說以事世祖儒

者之道不廢衡實啟之所著有孝經注大學直說中庸

語意魯齋文集謚曰文正

河南通志本傳

趙復字仁甫江西德安人以身明道姚文獻樞拔德安多方勸與俱北乃出程朱性理之書傳樞由是北方始知經學及樞居蕪門建太極書院仁甫講授其中風俗爲之不變學者稱江漢先生

竇默字子聲直隸肥鄉人幼讀書毅然有立志避亂德安得伊洛性理之書以歸與姚樞許衡講學蕪門中統初仕於朝時王文統以言利進爲平章政事默與許衡姚樞入侍言治亂休戚必以義爲本文統患之乃奏以默爲太子太傅外示尊禮實擯使疏遠默以屢攻文

輝縣志

卷十一

人物 高賢

三

統不中欲因東宮以避禍與樞拜命將入謝以衡議還制文統遂寢其命改授默爲翰林侍讀學士累官昭文館大學士卒贈太師封魏國公謚文正

王磐字文炳號鹿菴直隸永年人篤學勵行年方弱冠從麻九疇學於鄆城日作糜一器晝爲朝暮食至大四年擢進士第授歸德府錄事判官不赴居蕪門弟子受業者甚眾時稱名儒世祖聘爲翰林直學士改山東宣撫司入爲太常少卿仕至學士承旨卒贈太傅封洛國公謚文忠有文集行於世

白棟字彥隆山西太原人始徒行至河內從許衡學繼衡爲國子祭酒奏召舊弟子棟白太原驛至館下

年以爲國子助教侍裕廟東宮棟爲講鄭伯克假于鄆已講而出裕廟語人曰是非空言意固有在也以國史院編修從仕郎仍助教擢監察御史發阿合馬贓貪諸不法事又糾鷹師以已憾殺其幕僚出僉陝西漢中道提刑按察使司事尋改僉燕南河北道趣裝時其父已疾行至衛而卒遂葬輝之周卜村卽授教於輝復除河南道勸農副使以病卒亦葬蕪門姚燧撰墓碣銘稱其學可範世行可勵俗

王 暉字仲謀號秋澗汲人博學有俊才從王磐學於蕪門中統初姚樞辟爲諫議官尋擢監察御史論列凡百五十餘章時都水劉晟沒官糧四十餘萬石暉劾之

輝縣志

卷十一

人物 寓賢

三

權貴側目秩滿轉平陽路總管府判官初絳之太平縣民陳氏殺其兄行賂緩獄蔓引逮繫者三百餘人五年不決詔暉鞫之一訊卽伏盡出所逮累者仕至通議大夫翰林學士承旨知制誥同修國史文章政事知名當世追封太原郡公諡文定所著秋澗集百餘卷行於世

明

理瓘和字卿雲號寒石西華人初姓李恥與闖賊同改爲理嗜奇好古豪宕不羈講學於白沙姚江之間所爲詩文多奇情異致以故名徹宸聽壬午鄉試未解名奏未欽命補雋蓋異數也闖賊之亂避居蕪門僞命迫之卒不動孫徵君稱爲曾仲連後一人甲申後避難金陵

撫臣薦使監紉補州尋監楚豫軍福藩出亡追扈失道
遇唐藩遂如虔以職方主事奉命檄虔兵既至而虔地
將陷寒石投城下死之文集本傳

國朝

李 封字霞表直隸雄縣人安靜簡潔事親以孝聞補
博士弟子員有聲庠序甲申之變同孫徵君攜家而南
僑居蘓門相與講明易旨一時宦遊世族皆以子弟從
之設教超化山中將有卜居之志旋以病歸蘓門卒

馬爾楹字構斯直隸定興人有介節不治生產從孫徵
君學於夏峯構數椽以居採樵自給人有饋遺概不受
徵君歿益爲正學負荷常往來同人處鼓舞振興至老

輝縣志

卷十一

人物 萬賢

三

不倦著有蠹魚草清涼散讀書筆錄三十餘卷

孫立雅字君建徵君長子受業於鹿忠節忠節以道學
期之事繼母孝徵君遷輝獨留立雅守祠墓後以徵君
年高來輝侍養徵君卒集諸弟講習於兼山堂撰六約
以訓之年七十六卒於夏峯遵父遺命返葬容城著有
宏齋集十二卷宣城劉易爲之傳

湯 斌字孔伯號潛菴睢州人年十二聽講小學退卽
見諸行事順治己丑進士壬辰庶常鍵戶一室與魏象
樞曹本榮以理道相切磋出任監司歷陞嶺北參政以
父老告歸潛心性理之學渡河至蘓門受業於孫徵君
世二十年克養愈粹推中原真儒斌於書無所不讀而

以志孝誠正爲本著述不爲空言後大臣交薦由內閣
學士巡撫江蘇累陞工部尙書卒於官著有洛學編明
史稿補睢州志詩文若干卷配享百泉孫徵君祠乾隆初
謚曰文正

耿介字介石號逸菴登封人順治壬辰進士由檢討
出爲福建巡海道築石城以捍寇盜除積弊革冗費可
母憂歸從孫徵君遊以湯斌薦官少詹事旋乞休倡明
絕學興復嵩陽書院著有理學要旨中州道學編孝經
易知敬恕堂存稿卒配享百泉孫徵君祠

魏一鰲字蓮陸直隸清苑人以進士官泗州牧未久卽
歸究身心性命之學聞孫徵君倡道夏峯負笈從遊結

輝縣志

卷十一

人物 寓賢

三

茅廬左柏鄉魏石生題曰雪亭輯北學編手自抄錄徵
君遺文多先生所訂云

王餘佑字申之直隸獻縣人從孫徵君學於夏峯徵君
歿歸五公山卽徵君故宅改建書院與同人講習其中
自號五公山人河間守王聘主獻陵書院多所成就卒
配享百泉孫徵君祠

寓宦

明

李戴字仁夫號對泉延津人隆慶戊辰進士歷官吏
部尙書太子太保贈少保萬曆末寄籍於輝寓資村里
南社祀延津鄉賢戴府志名臣明史有傳

李 載字道夫號後泉戴之弟廕生歷官雲南鶴慶府知府隨兄寄籍於輝

郭 涓字原仲新鄉人萬曆乙未進士歷官禮部右侍郎贈尚書寓百泉有涵暉園讀書遺跡祀新鄉鄉賢

郭 澆字季昭號孟諸涓之弟萬曆庚戌進士歷官陝西布政司參政寓孟莊葬孟莊東原祀新鄉鄉賢

國朝

孟 元字善長祥符人貢生歷任江南江寧府知府興利除弊政蹟蔚然子二人長明台官知縣次明輔官大司馬公謙抑自處以終養歸墓百泉山水遂家於輝寓資村里南社祀祥符鄉賢

輝縣志

卷十一

人物 寓宦

三

孟明台字汝為祥符人選貢湖南龍陽縣知縣

孟明輔字汝翼明台之弟崇禎庚辰進士官兵部尚書

王家琛字仲玉直隸容城人山西五寨守備寓輝縣

王紫綬字金章號蓼航祥符人李自成決河灌大梁抱一木浮出寓於輝崇禎壬午舉人順治丙戌進士官翰林

林中允將歸里二十年轉任江西副使值吳逆之變

贛南屬邑盡陷土寇蠡起餉道不通內變將作鎮撫相

繼歿公於萬難之中保全鎮定賑救安民饋餉亦達有

功不伐讓善不居詳載贛南去思碑陞浙江參政告歸

杜門興建社學遠近之士翕然從遊所著有知思堂集

倚廬詩選柿菴詩選輿近園詩選嵩遊吟

郭遇熙字駿臣新鄉人康熙己未進士廣東從化縣知縣陞刑部主事寓輝縣祀新鄉鄉賢

朱鼎銘字孟玉直隸宛平人衛輝府通判陞開封府同知寓輝縣

黃文煒字飛幟江南歙縣人幼補博士弟子員援例捐知縣康熙四十五年至縣愛育泉之勝因家焉赴部銓選揀發陝西辦屯巴里坤西藏軍需勞績最著途次遇口外貿易歸者六人攜貲三千餘金時瘟疫流行六人相繼歿於道文煒將其衣服銀兩各爲封記詳註鄉貫姓名寄貯蘭州庫內行文各地方著家屬照數領回楊公文乾目擊其事深爲嘆賞代損同知楊任廣東中丞

輝縣志

卷十一 人物 寓宦

三

復特疏薦由韶州府知府陞廣東按察使多所平反嗣因西路軍興改肅州參政道

高魁標字仙裴直隸滄州人歲貢生由教諭陞廣東澄邁縣知縣歷任江南邳州知州康熙四十八年寓輝縣王 贊字獻甫直隸新安人康熙戊午舉人廣東瓊山縣知縣瓊無五穀公致種於瓊教之樹藝瓊人祀以爲神著有蓮塘詩稿寓胡村里

柴 瑋字江文山西太平人康熙庚子舉人廣東順德縣知縣陞瓊州府海防同知又陞河南懷慶府江西南康府知府寓北雲門里

徐天麒字讓甫浙江秀水人雍正甲辰進士由庶常遷

郎中出守建昌調慶陽入爲刑部員外郎寓輝縣舊志

孫魯字岱東江蘓江都人監生福建建寧府通判朱

一桂之亂贊勦軍務歷署嚴疆功載平臺紀畧陞臺灣

府知府地震海溢設法拯救活十餘萬人調泉州汀州

整理鹽政歲省二十萬金商民感戴因積受潮濕養疾

來輝嗣分巡霸昌道以按察使遇缺卽用而公病卒囊

橐蕭然至無資斧遵化牧劉靖賻之始返葬於百泉

王寅字賓陽陽武人賢良方正齊河令夢麟子也雍

正巳酉舉人浙江海鹽縣知縣獲懸案首犯置諸法士

民感悅刊有武原輿頌遵父遺命來葬於輝遂家焉服

闕選安徽貴池縣代理池州府事旋以疾歸以上孟大炳採訪

輝縣志

卷十一

人物 寓宦

三

姚櫛字爽亭山東鉅野人陝西按察使學英長子北

城兵馬司正指揮寓石門口

姚樟字荷亭櫛之弟雲南按察使經歷

趙衍疇字叙倫延津人嘉慶己巳進士山東青城縣知

縣寓高村里以上趙八元採訪

朱廷鍾字秀采江蘓海州人滎澤縣知縣以嫻於河務

由開封府中河通判陞祥河同知加知府銜慕百良之

勝遂引疾歸寓胡家橋王猷採訪